



**ORDENANZA REGULADORA DA TAXA POR PRESTACIÓN DE SERVIZO DE DEPURACIÓN DE AUGAS RESIDUAIS**

**Artigo 1º.-Fundamento e natureza**

Este Concello conforme ao disposto no artigo 106 da Lei 7/1985, de 2 de abril, Reguladora das Bases do Réxime Local e de acordo co previsto no artigo 20.4,r) do Real Decreto Legislativo 2/2004, de 5 de marzo, polo que se aproba o Texto Refundido da Lei Reguladora das Facendas Locais, establece a Taxa por prestación do servizo de Depuración de Augas Residuais, que se regulará pola presente Ordenanza, redactada conforme ao disposto no artigo 16 do Real Decreto citado.

**Artigo 2º.-Feito Impoñible.-**

Constitúe o feito imoñible deste tributo, a prestación polo Concello de Foz dos servizos de tratamento e depuración de excretas, augas pluviais, negras e residuais canalizadas a través da rede de sumidoiros municipal

**Artigo 3º.-Devengo**

Devengarase a Taxa e nace a obriga de contribuír dende o momento que se inicie a prestación do servizo suxeito a gravame, entendéndose iniciado:

- Dende a data de presentación da solicitude de licenza de acometida, se o suxeito pasivo a formulase expresamente.

- Cando estea establecido e en funcionamento o servizo municipal obxecto da presente regulación.

O servizo de depuración de excretas, augas pluviais, negras e residuais ten carácter obrigatorio para todos os lugares do Municipio en que exista rede de sumidoiros, devengarase a taxa aínda cando os interesados non procedan a efectuar a acometida á rede.

**Artigo 4º.-Suxeitos pasivos**

Serán suxeitos pasivos contribuíntes, as persoas físicas ou xurídicas, así como as entidades ás que se refire o artigo 35.4 da Lei Xeral Tributaria, que resulten beneficiadas polos servizos de tratamento e depuración de augas residuais de conformidade co disposto no artigo 23 do Real Decreto Legislativo 2/2004, de 5 de marzo, polo que se aproba o Texto Refundido da Lei Reguladora das Facendas Locais.

Terán a consideración de substitutos dos contribuíntes, de acordo co previsto no artigo 23.2.a) do Real Decreto Legislativo 2/2004, de 5 de marzo, polo que se aproba o Texto Refundido da Lei Reguladora das Facendas Locais, os propietarios dos inmobles, quen poderán repercutir, no seu caso, as cotas sobre os respectivos beneficiarios.

**Artigo 5º.- Responsables.**

Responderán da débeda tributaria os debedores principais xunto a outras persoas ou entidades. A estes efectos consideraranse debedores principais os obrigados tributarios do apartado 2 do artigo 35 da Lei 58/2003, do 17 de decembro, Xeral Tributaria.

Salvo precepto legal expreso en contrario, a responsabilidade será sempre subsidiaria.

En relación á responsabilidade solidaria e subsidiaria da débeda tributaria estarase ao establecido nos artigos 42 e 43, respectivamente, da Lei 58/2003, do 17 de decembro, Xeneral Tributaria.

**Artigo 6º.- Cota tributaria.-**

A cota tributaria a esixir pola prestación do servizo calcularase en función da cantidade de auga consumida, conforme ás tarifas seguintes.



## Concello de Foz (Lugo)

C.I.F. P-2701900-I

Avda. Alvaro Cunqueiro, 24  
27780 FOZ (Lugo)

Teléfonos: 982 14 00 27  
982 13 36 18

Fax: 982 14 16 00

Euros/bimestre

1. Consumo doméstico e comercial. Mínimo bimestral 30 m3 .....	7,00
Cada m3 de exceso sobre o mínimo.....	0,10
2. Consumo industrial. Mínimo bimestral 30 m3 .....	11,00
Cada m3 de exceso sobre o mínimo.....	0,40

No caso de que os usuarios non estean obrigados a dispor de contador de auga por non empregar o servizo de abasto de auga potable municipal, e, en consecuencia non poda determinarse o consumo real, contribuirán polo mínimo bimestral correspondente.

### Artigo 7º.- Exencións e bonificacións.-

Non se poderán recoñecer outras exencións na presente taxa que as expresamente previstas en normas con rango de lei e as derivadas dos tratados internacionais.

### Artigo 8.- Normas de xestión

A xestión, liquidación, inspección e recadación desta Taxa realizarase segundo o disposto na Lei 58/2003, do 17 de decembro, Xeral Tributaria e nas demais leis reguladoras da materia, así como nas disposicións ditadas para o seu desenvolvemento.

Os propietarios de edificios e vivendas ou, se é o caso, os usuarios do servizo están obrigados a presentar nas oficinas municipais as oportunas altas que orixinan a obriga de contribuír.

Igual obriga existirá nos cambios de titularidade dun edificio, vivenda ou local e cando se produzan variacións físicas ou xurídicas que teñan transcendencia na orde tributaria.

As altas e baixas que se produzan no servizo de augas, producirán efectos automáticos respecto da taxa de depuración, no caso de contar con rede de sumidoiros a zona concreta onde se produzan.

Cando a cobranza se realice conxuntamente coas taxas polo abasto de auga potable, as cotas entenderanse notificadas a través do recibo emitido pola empresa concesionaria do servizo, sen prexuízo das obrigas de publicación legais que se fagan a través dos correspondentes diarios oficiais.

### Artigo 9.- Infraccións e sancións.-

En todo o relativo á cualificación de infraccións tributarias e sancións, ademais do previsto nesta Ordenanza, estarase ó disposto nos artigos 77 e seguintes da Lei Xeral Tributaria e demais normativa aplicable.

### DISPOSICIÓN FINAL.

A presente ordenanza fiscal entrará en vigor ó día seguinte da súa publicación do seu texto íntegro no Boletín Oficial da Provincia permanecendo en vigor ata a súa modificación ou derogación expresa.

Foz, 30 de xullo de 2012.

O Alcalde,

Asdo.: Javier Jorge Castiñeira

**(Aprobada en sesión plenaria de 26 de xullo de 2012, e publicada en BOP de 09/08/2012)**